



UNIVERSITÄTS-
BIBLIOTHEK
PADERBORN

Controversiae Ecclesiastico-Historicae

Casteel, Gerard

Coloniae Agrippinae, 1734

VD18 10739254

Illustrissimo Reverendissimo ac Gratoso Domino, D. Benedicto Dei Gratia
Sac. Rom. Imperii Liberarum & Exemptarum Ecclesiarum Werdinensis ac
Helmstadiensis Ordinis sancti Benedicti Abbati Collegii ...

[urn:nbn:de:hbz:466:1-68244](https://nbn-resolving.org/urn:nbn:de:hbz:466:1-68244)

*Illustrissimo Reverendissimo ac Gratiſſo
Domino,*

D. BENEDICTO
Dei Gratia Sac. Rom. Imperii Liberarum &
Exemptarum Eccleſiarum Werdinensis ac Helmſtadiensis
Ordinis ſancti Benedicti
ABBATI

Collegii Prælatorum inferioris Rheni in
Comitiis Imperii
DIRECTORI PERPETUO
&c. &c.

*Illustriſſime Reverendiſſime,
ac Gratiſſime Domine &c.*



Uod olim Ariſtides Rhetor *Orat.*
ſacror. Serm. 5. dixit, Superis templa, Viris
ſummis libros dedicare oportet: id paſſim à
multis retro ſæculis uſitatum, in comper-
to eſt; atque etiamnum in more poſitum
videmus, ut ſi quiſpiam publicæ utilitatis cauſâ ſuas evulga-
re

re velit lucubrationes, illas primi subsellii cuidam vir o nuncupet, quatenus eadem multorum crisin necessario subeuntes Patrono ac Mœcenate non destituantur. Cum itaque has ego Controversias Ecclesiastico - Historicis in mundum litterarium mittere statuissem, nec dubitandum mihi nec cunctandum, cujus tutelæ impressas concrederem, quin TV ILLVSTRISIME PRÆSVL, istarum rerum apprimè gnarus prima facie mihi occurrens præ cæteris visus fueris magnanimus elaborati operis hyperaspistes, cujus validum patrocinium decori pariter ipsi esset futurum. Qui humanarum quondam PROFESSOR, juxta ac divinarum eximius Cultor scientiarum tot exquisitæ eruditionis paradigmata, tantaque PRÆPOSITVS HELMSTADIENSIS exhibuisti moderati, nec non proficui regiminis specimina, ut convenientibus admodum TVÆ nobilissimæ Stirpi decoratus præcellentibus gratiæ ac naturæ donis, Mitræ adaptatus, dignissimus præ cunctis sis habitus, qui comuni suffragio, omniumque applausu, in Sacri Romani Imperii Abbatem, ac utriusque Exemptæ Ecclesiæ Achimandritam constitueris: cujus faustæ electionis fructus uberes singulari cum gaudio, nunc gustant, qui TE PATREM amantissimum Ascetæ, ARCHIARIVM benignissimum Territorii Incolæ, DIRECTOREM prudentissimum in Comitibus Imperii sentiunt Collegæ: dum à cunctis capacis animi TVI per omnia domestica æque ac forensia tuorum officia, œconomiam ac rerum agendarum diffusi amplitudo probè conspicitur, quo ita complecteris utrobique spectantia, ut ipsismet in
propria

propria persona adesse videaris , ideoque advigilantis Heri
oculos Religiosi , Officiales , Ministri , operum Curatores ,
imo famulantes mirentur omnes , ubique venerentur singuli,
tam in servitio solliciti , quàm offendere metuentes. Vbi ta-
men inter tuos Authoritate sic emines , ut insigni humanitatis
condimento , par TIBI subjectis videri posses , absque eo ,
quod gravitas fastidium pareat , aut in familiari conversatio-
ne, observatâ exactè eutrapeliâ; comitas generet contemptum.

Excurrem hic lubens in apertum laudum TVARVM
campum , nî vererer adulationis notam, non minus ac TVÆ
modestiae ad præconia erubescens offensam. Aliena neuti-
quam indiges testificatione, quando ubertim sufficiunt TVA
ab intelligentia , æquitate , religione , cultûs divini amore, de-
votionis ardore ac disciplinæ regularis zelo petita testimonia;
quæ singula percensere TIBI utique magis quàm mihi mo-
lestum foret. Timanthen ergo potius imitando , silentii velo
hujusmodi tegam , quàm ut inepto eadem meo adumbrare
peniculo præsumam.

Supervacaneum quoque foret avitum Stemma TVVM
GEISMARIVM hîc deprædicare, quod inter antiquissimas
& spectatissimas in Hassia & Thuringia recenseri Familias per-
hibet Clariss. Jacob. Christoph. Iselin in suo prægrandi Lexico
Tom. II, pag. 458. col. 2. V. Geismar. subditque Conradum
à GEISMAR Anno 1139. ab Archi-Episcopo Moguntino A-
dalberto in testem adhibitum confirmatæ Donationis, alias
Ecclesiæ Cattlenburgensi factæ. Alium insuper ejusdem Pro-
sapia Anno 1152. in Instrumento foundationis monasterii Val-

lis S. Gregorii in Thuringia adducit. Anno 1391. apud cit. *Auth.*
Bertholdus à GEISMAR, hujusque fratres ab Archi-Episcopo
Moguntino consentum obtinuerunt prædia sua in Zottenstat
vendendi Ecclesiæ in Huisdorff. Referunt etiam Gotha
Diplom. Part. III. pag. 247. Leuckfeld. *Antiquit. Walckenried*
Cap. 13. Mullerus *Annal Saxon.* Spangenberg *Adelspieg: P. II.*
viros ex perillustri Progenie GEISMARENSI togâ, & lago
conspicuos: quorum meminisse, ut reor necesse non erit.
Siquidem Gentilitia Nobilitas, apud Boethium *Lib. 3. prof. de*
consolat. Philos. Est quædam laus veniens de meritis parentum,
Quæ, ut absque virtute est fucosa & fumosa: sic præclaræ
cujusvis familiæ columnen unicum est virtus, secundum illud
Juvenalis Satyr. 8.

*Tota licet Veteres exornent undique Cera
Atria, nobilitas sola est atque unica virtus.*

Ob cujus sedulum cultum esto Generosos Majores tuos
à Regibus & Principibus in seram usque posteritatem egre-
gis semper honoribus cumulatos fuisse in aprico sit: equi-
dem TV splendidum decus non tam à TVIS accepisse Pro-
genitoribus quam usdem contulisse censeris. Tantum abest,
ut sit TIBI laus in Origine sola.

Quodsi itaque Illustrissime Domine PRÆLATE per-
mittere gratiose digneris, ut sub præpollentis Nomini TVI
auspiciis qualiscunque foetus ille meus prodeat; qui, si non
Dignitati TVÆ congruens, saltem à TVI studiosissimo ac
observantissimo TIBI inscriptus, dicatus & consecratus:
si, inquam pro TVA in omnes benevolentia; sereno vultu,
quod

quod unice precor, susceperis oblatum devotè libellum, cu-
jus subinde gravioribus solutus negotiis lectione animum re-
creare possis; jam morosa arbitria acuratissimum TVVM
unius judicium & Authoritas facilè elevabit: quo, qualium-
cunque Criticorum mihi polliceri audebo, vel sinistram con-
temnere posse existimationem vel sperare favorem.

Summa deinceps Votorum meorum erit, ut TV
Illustrissime Antistes privato simul ac publico bono diutissi-
mè sospes vivere pergas: atque nonnisi post decumanum
meritorum cumulum serus sis conviva Tonantis

*Illustrissimæ, Reverendissimæ
ac Gratiossæ Dignitatis Tuæ*

Humilimus ac obsequentissimus
famulus

GERARDUS CASTEEL
Can. Ord. S. Crucis P. D.

Dabam ex musæo Duisburg.
27. Julii Anno 1733.

XX

LICEN-